بنات أفكري محمد بهاء البري

بنات افکاری محمد بهاء البري الطبعة الأولى ، ۲۰۱۱

#### OKENII NET

دار اكتب للنشر والتوزيع

القاهرة ، • اش عبد الهادي الطحان ، المرج

موبایل : ۱۱۰۲۲۲۱۰۳

E - mail: dar\_oktob@gawab.com

المدير العام :

يحيى هاشم

رقم الإيداع: ٢٠١١/٢٢٠٢

I.S.B.N: 944- 944- 844- 114- .

جميع الحقوق محفوظة©

# بنات أفكاري

محمد بهاء البري

الطبعة الأولى

4-11



دار اكتب للنشر والتوزيع



#### lails

إلى قلب أبي وأمي ، ، الله قلب أبي وأمي ، ، الله وكُل من شجعني على أن تصل كلماتي إلى النور .. إلى كُل من مدً إلي يد العون والنصيحة الشاعر / إبراهيم عبد الفتاح الشاعر / محمد حسني شحاتة الشاعر / محمد حسني شحاتة الشاعر / عصام مهران الشاعر / عمرو صبحي الشاعر / عمرو صبحي

إلى من رسمت الفرحة على شفتيً إليكِ .. إليك قارئي العزيز ... أهدي ديواني الأول Secretary Secretary

# مفتتح

ازرع بذور الشعير بالفكرة وارسم قصايد من هنا لبُكرة زوّق براويز الصور من كلمتك تسطرح تجسارُب غِنوتك ذِكسرى



# بنات أفكاري !!

بَناتُ اَفْكَارِي جُوايا بِيتِخانقُوا فيه واحْدَة تِنادِي " كُواسِي " مَا تِيجِي بِسُرِعَة يا مَسامَسا وواحْدة تِنادِي عَلَى " قلمي " مَا تِلحُقنِي كِدا يسسابسسا وواحدة حَابِسَة نفسِيهَا مَع أَخَوَاتُها كِدا فِ أُوضَةُ مِن السرُّوضَةُ .. وواحدة جَالفة مَا تِنطَقُ وواحدة حَالفة مَا تِنطَقُ وواحدة حَالفة مَا تِنطَقُ وواحدة تنادِي ع التَّانية وواحدة تنادِي ع التَّانية ويتخانقُوا ..

ويتعَاتبُوا .. ويتصافحوا كداكام يُومْ وكام فكرة قوام توصل لشكط الصُّورة والوِجدَانْ وكام فكرة قوام تغرق ما تعرف عــُـــومْ ويتسابقوا ولو قتلى عَلَى مَعنَى مَاكنشِي جَدِيدُ \_ مِن التجديد \_ صَبح عِــريَانْ دَا يُوم عَادِي وبيعدِّي وفسكرة تجبني وتودي وأنا وحْدِي ف تابُوتْ أَشْعَارُ برَتلْ شِعرِي ع الأفكارُ دِي مِين عَاشِتُ ؟! ومين ماتت ؟! ومِينْ فيهُم تُوُوحٍ جَنَّةُ !! ومِين فِيهم تُخش السنَّارُ ..

# الكتابة شيء جميل!!

الكستابة ف حد ذاقا شيء جيل كلمة حسلوة ولا مُرة والجنين له حَبل سُره والجنين له حَبل سُره والدليل ويا شعري ان شعرك ويا شعري بيه هنبني فيكر .. والتراث مِن تاني يسرجَع من بيبان .. والترق الشمس وبنسورها المستحيل تغزل المستعر .. تغزل المستعر .. المطويل من جينات الحسوف تصنع

للقصايد كَامُ .. تترسم بالصُّورة جُملة تترسم بالصُّورة جُملة ترتسوي مِن ألف .. تصرُخ الأشعار ف هَمِّي والمداد يبقالها دمِّي تسنزف الدمعة .. تميل ع الكلام الحلو كان بيسكن جُوه وليي مَن الياسمين مُوه وفيلي بَرْرع الياسمين فوق قبور قلبي .. فوق قبور قلبي .. القتيلُ القتيلُ ..

### تُوهة حُروفْ

توهة حُروف بين الكَلامُ

سَارِع زِحَامُ
وف أوّله شَارة مُسرورْ
وف أخره سُورْ
عندُه إنتهَى
حبر القَلمُ
مَن فِكر باتْ ع الأرصِفةُ
من فِكر باتْ ع الأرصِفةُ
من فِكر باتْ ع الأرصِفةُ
ومنكسة مليون عَلَمُ
توهة حُسروف وسط المِسدَانْ
على ناصيتُه
على ناصيتُه
وف أخرتُه

مَوجُود أفيشُ إغلان لِحلمُ مش دُور لِسفيلمْ حَصري ولا فَ سيما وكلام مالوش قيمةً يصرُخ ف وش الظُّلمْ

## شجرة عُمري!!

بُرسِم أحلامِي بألوانِي على شجرة عُمري اللي هاعيشُهُ

> بَرسم فَرحَه وبَسمَه وضِحكة على قلب إتحمَّل تسهميشُهُ

> > بَكتب في كلامي الآمَال واليأس بَحاول تطنيشُهُ

والحُزن ده عصفور بيفرفرُ وبفرحِي .. أنا ح انستسف ريشُهُ

> والفِكر الماضِي راح اسيبُهُ ما العَقل دا لازم ترويشُهُ

وده قلبي .. هايوزَّع حبُّهُ ومشاعر تانيه في تحويشُهُ

والكُره هاشيلُه من قلبِي والعِشق هاصاحب دراويشُهْ

والماضي هاطويه في حيّاتِي والحاضر هالبس طرابيشُهُ

والغش ده مُش هاستئَّاهُ وايماني لا يُمكن تشويشُهُ

الحقد ده هارميه من عيني والعن فـــ الكِدب وحرافيشة إفرد شسراع العِشق فوق بسَحر الهُسوى المُسوى المنت الأمَانُ وانت الحنانُ إنت السَّوا السَّوا السَّوا اللي مشساعرك فوق جَناين حُبي ليك فسرعين لنيل الحُب مِنهُم الرَّسوى وقت الغيابُ وقت السَّلامُ وقت السَّلامُ المُعروى باللَّمع رمسش عنيا من بُعده إنكسوى المُعروى التلالُ المُعراد جناح العِشق فوق كُل التلالُ المُعراد بناح العِشق فوق كُل التلالُ واشرُق بشَمس الحُب مِن حُضن اللهُ

الجسبال واسُكن في قلب المُغرمين دوِّب فــ أحزالهُم واعلى بترتيلة غسرامي ف الابتهال <u>.</u> إنتَ الجسمالُ ومفيش جَمِيل زيك فسي دُنيايا باللي ملامحك عششت فيا وجحسوايا الحُب قبلك إنحَلَقْ مين دا اللي قسال ؟! إرمي الشبك فسي القلب وارسم بسمتك غسماز حَنيني تساه خلاص من ضحكتك اصطادي سهم العشق ف بخـور رقتك

ياللي الدلال ليك لَحن صَـافِي ف غنوتك ياللي الغسرام نخلة طُسويلة في جنتك تِطوح مشاعِر قلب كَان طيّب قــوِي شافِف ملامِح حِلمه بيك مِن رہمِتك ً واللهفة جُوه عنيه ماليها الحُوف يادوب شافك قوام للدُنيا قال أنا دُوبت دُوب مِش مُستحيل الحُب يلضُم يُوم قلوب بالعشق يوصل حلمهم بين السنتروب أنا مُش ح أتــوب وأنوي الهُروب

من حِلمك انتَ وسكِّتكُ أنا دُنيتكْ

# ياما نفسي !!

يُساما نفسي .. لمّا أصحَى مِن مَنامِي أفتكر إسمك حبيبتي دُونما كُل الأسامِي

يَـــاما نفسي لمّا أمشي في الشّوارِغ من كنيسة لحَد جامع ألقى فرحَه ع الوشوش والحَياه من غير رئوش نفسي أغني كل حرف من حُروفك وف من حُروفك نفسي أفرَح لمّا ييجي عَليًا عِيدُ نفسي أفرَح لمّا ييجي عَليًا عِيدُ يبقى عيدي يا حبيبتي هُو عِيدك يبقى عيدي يا حبيبتي هُو عِيدك والحتكر اللي بدمّاة

يسساما نفسي لمّا انادِي صُوتي يهزِم الأعادِي والقَى صَبري اللي ف عُيونِي يبقى لِيكي نِن عِينك والإيمَان اللي في صَلُوعِي يبقى عَندك يبقى ديني هُو دينك وف صَلامِي وف صَلامِي أدعِي ربّي إنه يعينك نفسي أدّيكي حَياتي خل ما تزيدي ف مينينك جل ما تزيدي ف مينينك

صيَّاد قلُوبْ بَرمِي الشَّبكُ قلبي إتشبَكْ ، زي السَّمكُ جُوَّه العنينْ

صِنارہ والطُّعم الْهَوی قلبی اِنکَوَی ، غمزُہ اتلوَی من نظرِتینْ

وف بَحرها قلبِي غَرَقُ طُعمي اتسرَقُ ، سال العرَقُ من ع الجبينُ

صيَّادَ قَلُوبُ والصَّبَرِ قَلُ والقلب مَلْ ، مُش لاقي حَلْ راح أصيدُ مِنينْ

المُوج وعَالِي ف يَحرها مِش مِنَّها ، دا حُبَّها رايح لِفينْ

مُوجَه وع المَركِب تُخطُ وفجأه أنط، مَا اوصَلُ لِشطْ مِن الحنينْ

صَيّاد قلُوبْ وإصطاديٰ قَلَبْ غمازُه شُوق ، والطُعم حُــبْ هايعيش سِنينْ

#### في محكمة العِشق

ف مَحكمة العشق الدُّوليةُ انا ناوِي أقدِّم ف قضيةُ وأدين البُعد اللي ف قلبِك وأنا بَطلُب سَحب سَفير الحُبْ مِن عَندي .. وكمَان مِن عندكُ مَن عَندي أنا هَاتكلَّم مِن عَندي أنا هَاتكلَّم ودَّليلي الجَرح اللي معلم ف القلب ومنه بيتألَّم في المَّادة تَلانه وتلاتينُ في المَّادة تَلانه وتلاتينُ ف قانون الحُبِّ المِسكينُ ف قانون الحُبِّ المُسكينُ ف قانون الحُبْ المُسكينُ ف قانون الحُبْ المُسكينُ ف قانون أوَّل جلسة لو كان ف دفاعك مُحامينُ لو كان ف دفاعك مُحامينُ لو كان ف دفاعك مُحامينُ

إننين وتلاتة وعِــشرين فأنا قلبي موكّل لــخنينْ في عنيكي بيرسم مية رَسَمَةُ وحُقوق الإنسَانُ تِتنكَّرُ مِن فِعلك والجَو يَعكُرُ على قلبي الفرحة بتِستكترُ والرَّأي العَام يِصبَح ضِدَّكُ طَب ليه يا حَبيبتي يزيد عِندِكُ !!

#### ميلاد حُبنا !!

كُل همسة م الشفايف للي أعمَى واللي شايف تشهد بميلاد حُبنا كُل ضحكه وكُل بَسمة كُل قلب جوَّه رَسمة كُل وَهره وكل وَردة كُل زَهره وكل وَردة تخضن فراشتها اللي فاردة بحنحاتها فوق حلمنا كُل نسمة حُب صَافي والحَقيقي والحُرافي في الغرام يشهدلنا في الغرام يشهدلنا كُل نظرة مني عاشت واللموع ف عنيا باشت

والفَرَح ينده لِنا كُل ليلة وكلَ يومْ تبتسم لينا النجومْ والقمر يضحَك لنا ..

#### عيبي الوحيد!!

وأنا عِبِي الوحِيد إنِّي مابزعلشي ف يوم منك ولو هاتقولي إيه ليا ومَلقاش أي حنِّية وقسوة ف عينك الجلوين حينك الجلوين دي قالت ليَّا أنا عَاشقه وحبك ذا ساكن فيًا دا قدري إني أكون جَنبِك ولا أبعد ثانية أنا عنك وهاكتبلك في أغنية وهاكتبلك في أغنية وأقول عاشق مُتيم بية ولو قسل عاشق مُتيم بية ولو قسل عاشق مُتيم بية ولو قسل عاشق مُتيم بية ولا عشقي ملوش غيّه وانا عشقي ملوش غيّه

ولو حَبَّاني م الواحِد وضعف العَشَرة والعِشرين فأنا حُبك في قلبي يُكُونْ تلات أضعاف فُوقِيهم حُطي " ١٠٠ " ميـــة ولَو قادْرَة على بعادي ولو ظلمَاني وتنادِي رَاح أَجرِي عليكِي وأشتاقلك دا بُعدي حكـــــاية مَنـــــسيّة

#### ما كتبشي الشعر أنا ليه!!

ماكتبشي الشعر أنا ليه وأنا شايفه حبيبتي ف عينك كُل اللي مَا بيني وبينك السفرح اللي رَسَمتيه ماكتبشي الشعر أنا ليه وأنا سَاكن جُوهِ عُيونِك وأنا سَاكن جُوبِك عبونِك وأقول مجنونِك وأقول مجنونِك ماكتبشي الشعر أنا ليه ماكتبشي الشعر أنا ليه وبازيد ف كلامي عن قلب بَقيت انا فييه ماكتبشي الشعر انا ليه عن قلب بَقيت انا فييه وبازيد ف كلامي ماكتبشي الشعر انا ليه عن قلب بَقيت انا فييه وبازيد ف كلامي ماكتبشي الشعر انا ليه عن قلب بَقيت انا فييه وبان به فيت انا فيه

وبردد إسمك تسساني ف ديــوانِي اللي بتقرية ماكتبشي الشِعر أنا لِية وانا لاقي فـــ حُبِك جَنةٌ وكفــُوف إيدي بتنحَنَّى بالعشق اللي بتحكية ماكتبشي الشعر انا لية وانا قلبي فَـــراشة فـــ حُبكُ وعَبير العشق ف قلبك عَــايش بتنفس بيه ماكتبشي الشعر انا لية وانا قلبي ف حُبك سَمكةً وغـــرامك ليا الشُّبَكةُ على قلبي أنا بترمية ماكتبشي الشعر انا لية وانا قلبي نطَّقَ فـــ اللَّفة والهُمس دا كان م الشفه عن حُب انتي خلقتية

# قبلة عُمري !!

ع المكتب بااشرَب في القهوة وفس إيدي مولسّغ لسيجارتي وباقلّب ع الصسور الحلوة في سنيني الفايتسة الحلصانة وبقايا الشعسر وبقايا الشعسر ونضسارة وشي المروعة وملامسيح شيبتي الدبلائة

واقف وموَايتِي أنا قُدامِي

بالمستح فـــ شبابي وأخلامي فرحــة .. ومرارة أيامي والنظــرة الصّّافية الغلبانة وبارجّع في شريط الماضي وبافتــش في القلب الفاضي على ذكرى أكُون بيها ..

ف دفاتر شِعري الهَلكانة وبافكّر .. كام مرّه لاغبِتْ .. الدُنيا .. وكـــــام مرّه حَارِبتْ ؟ باحسِب وباقولْ : اِني كسِبتْ ألاقيهاً هيَّ الكَسبانة ! أضَّايِسَقُ وأقلَعُ نضًارتِي أيام ما لعبت انساً مع جَارِتِي وانا فاكر أوراق

المزينة أعيادنكًا .. وفاكسر حَكاوينا فاكر ضحكتنـــــا وأغانينا وقت امــــا أطيــــر طيارتِي ا دلوقتي .. العُمــــــر خلاص .. عدَّى ا وانا قلبسيسي مسسن الشيب .. اتوضًى ! وشبابي ماطوّلــــــش السَّجدةُ ! ويا قِبلة عُمـــــري .. اتغيرنيّ ؟!!

## أنا إنسان !!

مَانِيش هاارجَع الأحضائِك مَانِيش هااشتاق أنا تانِي تانِي مَانَيش هااقبل آكُونُ مَانِيش هااقبل آكُونُ الوطائِكُ .. الوطائِكُ .. ينسانِي ينسانِي ينسانِي مانيش رسمَة رسمتيها من الجنّه من الجنّه ولا شوكة غرستِيها ولا شوكة غرستِيها ولا بسمَة سَرقتِيها ولا بَسمَة سَرقتِيها ولا بَسمَة سَرقتِيها

ولا ضحكة دفنتيها ف قلب حَبيبْ بلون الدَّمْ .. إتحتى مَانيش غِنوة كَتبتِيها ولا قصة هاتحكيها بطلها غَريبٌ ولا أشعَارُ تتُوهي بين قُوافِيها ف ليلُّ .. وتهار مانيش صُحرا ما عارفه فين مَوانيها لشط .. مسسرار مانيش كلمة عشقتيها ولاحق سِمعتيها

ف أي .. كلام مانيش طِفلة وَضَعتِيها بأحبالك ربطتيها تدُّور ساقية .. الأحلام مانيش تِمثال ولا عندي أنا قلبين يمين .. وشمال ولا لُوحه وعجبَاكِي تبيعي وتشتريها بمال مانيش ساحر ولا دجًالْ ولا بقرا أنا ف كفُوف ولا برمِي الودَع

لألوف ولا مصاحب ف جنية تطمئي على حالي توشوشني بأشعارها تريح بال مانيش لعبه في فترينة مكان مكان ورق زينة ميدان بيتعلق في كل ميدان مانيش جُوكر في مانيش جُوكر في بتلعبي بيه بتلعبي بيه أنا إنسان

### إنت فينك يا ضميري ؟!

إنت فينك يا ضميري ؟!
من فيا ولا حَيْ !!
دا السُّكوت خلاني طارِحْ
من محناوفي قلب نسَيْ
اعمَى ليه وماعدش شايف المحقايق أي ضيَّ واللسان لو فيًا صارخ والقي صُوت جوَّايا قايلُ والقي صُوت جوَّايا قايلُ وان حَقِّي بُكرة جسَيْ وغم إن الحَق ضايعُ رَعْم إن الحَق ضايعُ الف حَيْ وقتها ولا قولت أيْ

هي أرضي البور هاتقدر تبقى خضرا بأي رَيْ ؟! لو رَويتها بِصَمْت تطرح قلب خايف زيَّه زَيْ النهار لو دَارى شمسه عارف إن الليل دا جَيْ إنت فينك يا ضميري ؟! مُت فيًا ولا حَيْ ا!

## قصاقيص ورق!!

قصاقيص ورق وانخنق والجلم مولود وانخنق والشعر معدوم واتشنق والحرف ما بيعرفش عدوة فسي البحر عسافر قام غسرق قصاقيص ورق والفرح من بيتسرق الشعر مد مش لاقي شط بيحضنه او حتى ورد يملاه بعطره ويسكنه او حب عقد القلب قادر يلضمه دا هزار وجد

واللي استَجدُ الله الله الله الله التَّرَقُ الله الله الكلام وبيفُهمُه من غير جُسور بينا وسَدُ الفِكر مَوصُول بارسِمُه قصاقيص ورقُ على خد أشعار الف جيلُ والله رَواه م الحِكمة نيلُ نيلُ المشاعر الفَرَقُ نيلُ قصاقيص ورقُ العَرَقُ العَرقُ المُعلى نسارُ قصاقيص ورقُ الله الحَرقُ جُوه ف كلامِي الله الحَرقُ خَوه ف كلامِي الله الحَرقُ قصاقيص ورقُ الله الحَرقُ قصاقيصُ ورقُ الله الحَرقُ الله الحَرقُ الله الحَرقُ الله العَرقُ الله العَرقُ الله الحَرقُ العَرقُ الله الحَرقُ الله الحَرقُ الله الحَرقُ العَرقُ العَرقُ الله الحَرقُ العَرقُ الله الحَرقُ الحَرقُ الله الحَرقُ العَرقُ العَوقُ العَرقُ العَرقُ العَرقُ العَرقُ العَرقُ العَرقُ العَرقُ العَر

### لوحة معبد الأحزان

وُشوش مَرسُومه ع الحِيطة بِلا ألوانْ شَجرْ مِتعرِّي من ورقَّه ﴿ \_\_ مَفَيشْ أَعْصَانْ وحتى النارْ لهيبْ عالي بدونْ دُخانْ وشيخْ حَالُه ومِتغيَرْ ماشي يدوَّر على قبرُه في دي الدُنيا ما لاقي مَكان

> وشاب سنينُه بتفارقُه وأحلامُه تَمُوتْ جَنبُه ف وسط البرْ والصّحرا يموت غرقانْ

ف وسط البَحرُ والمَطرَة وجَنبِ الوادِي والنخلَة يُموت عَطشانُ

فِي عِزالصيفُ ومِن حَرُّهُ يموتُ بَردانُ

عَلَى ضَي القَمَرُ بِيكِي أَنَا قَلَبِي ويطفي للأمل نورُهُ وأدُوقُ حِرمانُ

> في طلّة شمسْ بِسَماها في فَرحة طفلة بِصِبَاها ألبّي أدانُ

أدان الياس والحَسرة لِعبْت مَع الحياه لِعبة خِسرت الدُّور بِكَام بَصرة مَا أنا إنسانْ

وشط العاشقين مَهجورٌ بنيت رَملُه فِي شكل قصُورٌ

ومُوج الحُزن جه هدُّه وحلَّى كُل شَرخ يِبانْ

شروخ فی القلب بتعلّم عَشاهٔا بَنْکِی وأتالمُ کانی فی رِحَلَة والمَوسَی جزیرهٔ شطها بُرکانْ

مَدينة قلبي بَرسِمها بلُونْ غامِقْ بَلوَّهَا وأحاوِل بَرضُو اجْلُلها في لوحة مَعبدِ الأحزانْ



### لما بتهرب من أحزانك !!

لمَّ ابتهرَب مِن أحزائك ترفُض حُزني يكون عِنوائك تجري وتفرح تضحك تفتح الف طريق ضحكة ف أوطائك لمَّا يَحارِب يأسك ذُلك لمَّا المَّرفُض حَد يقول لَك النك خاسر إلك خاسر علمك خساسر يهرس تحت الرجلين فُلك لما ينجري الحُب ف دمَّك لما ينجري الحُب ف دمَّك لما تعافر لما تعافر لما تعافر الما تعافر الما تعافر الما تعافر الما تعافر الما تعافر الما يعافر الما يعاف

كُل خطاوِي بترسم همّك لًا خــرُومْ أملَكْ تترقّعْ وامًّا لَغم قلمَكُ بيفرقعُ ينبُض صُوتة بيرفيض موتة ولا إنَّه بدمَّكَ يَتْبَقَّعُ لًا تـــحَارِبْ كُل ظرُوفَكْ تُرفض مَرة تبيّن خُوفَكُ تُرفُض تِدمَعْ تبكي وتسمع مَرثية شــاعر بحرُوفَكُ لًا بتُصرُخُ لَّا تَغَنِّي لَّا تَخُط مِدادْ مِن دَمِّي تكتب شعرك ترسم فعلك وترتل قُرآن مِن فَسمّي لًا بتضحَكُ أو تِتبسِّم

لًا حدودٌ وِشك تِتقسم تنسى الماضي ويصبَح عسادي إنكُ م الفرحَة هاتِتنسِّم

		<u> </u>
		:

# سبحة فرحتي

مفروطة سبحة فحسوحتي نصين حساسس تمللي غربتي فصين وأول سكتي فصين وأول سكتي وحدة والسخزن راقص ليًا ع الواحدة والضحكة مُش رئة صاجات جسوه فسد قلوب جاحدة مقسومة صسورة دُنيتي والدّمع عسازف غنوته والدّمع عسازف غنوته في والمدّمة والمدّمة في و

ف العين وأوّل دَمعِتي جَــارِحَةُ والجَرح لابِس ليًّا ١٠٠ طَرحَة مــوّت فــ قلبي كتير حَاجاتُ كان مِنها.. كان مِنها.. الفَرحَة

# في مرايتي!!

أبص الصبح في موايتي وما اعرفني الحاول الحتكر تفسي وافتش فجأة في بدايتي وما الاقيني وألمح في السّما نسهايتي والشوف نجمة هاتسهديني أتوه منها قوام وارجَع لنفس مَا كُنت انا عسايش والاقي الشّك غلّبني وف الأوهام بيرميني ويلعب بيًّا وأسلم ويلعب بيًّا وأسلم ماعدتش أقدر اتكلم ماعدتش أقدر اتكلم وأقول للحَظ :" إحميني"

أبُص الصُّبح في مِرايتِي ألاقي إنّي مَكبِرتِشْ واشوف حَاجة أَنَا اعرَفْهَا ألاقي إلى مَعْرِفْتِشْ وأقيس بالخطوة ألحلامي ولسًا برضُو موصِلتِشْ أعاند الحيّاة مَرَّه وأكسّبها وأغلبها وفجأة تيجي تغلبني وأنا لسَّايا مَلعبتشُّ وأقول يا دُنيا ليه ظالمَهُ تقولّي إنتَ ما عافِرتشْ واحَاوِلْ مرَّه والتانية واقول لسَّايا مخسرتشْ والمَح ف العُيونُ شِيبتِي أقول لسَّايا مكْبرتشْ

أقول لسَّايا لِيه عايشْ لا يُوم هاقدَرُ وماقدرتِشْ ... . •

مُش فاهم ولا عارف حاجة وسُوالي يتوه ويحيَّر وحاولت في يوم القَى إجابة العُمر طَويل ولا قصيَّر والدُنيا هتاخد منِّي أنا إية غير عُمري وكام حِلم صغيَّر وهموّت كام حاجة جيلة جوايا — ومن نفسي هغيَّر عمويا — ومن نفسي هغيَّر و

هاتغیر للأحسن ولاً للأوحش — والناس تتخلّی عنّی وعن قلبی اللی اتدارَی فی قبور الجَرح بیتسلّی والرُّوح العاشقه المَدبُوحة

تركع أحزالها لو صلسًى الماضي في محراب الدُنيا وإمامها الحُب اللي إتحلَّى بتيجان الياسمين والورده واتزين ــ ما احلاها الطّلة

الدُنيا زَي ميزانُ بيقيس الكفَّه دِي أَتقلْ مِن دي ودي أي كفه ميزانما رخيصُ ع الأغلَى أي رهان ترميهُ !!

> الفرْح زاید ع الأحزانْ والحُب جوَّه قلوب تلاقیهٔ وقلوب ما تلقی فیها آمانْ والکُره جُواها تخبیهٔ

كُوتشينه ف الدور تتفرُّقُ والحفظ دايماً تغلب بية شايب وبنت وواد برُّقُ جُوكر وغبت تفكر فية

شطرنج بين أبيض وإسود ووزير و طابية لدور تنهية ملك وم الكش بيحود وعساكره قدامه بتحمية

والطاولة بين الشّيش واليَكْ وجُوهار وبنج رَاهنت علية الدُّور وبعده خلاص إنسَكْ بدُّوشيش و دُورجي هعمل إية !!

# دمي المهر!!

أنا دَرويش يَا بلدي مِن دَرَاويشِك لَعنت الظُّلم والظَّالمُ الطَّلمُ والظَّالمُ والظَّلمُ ومَص دِمايا خفافيشِك .. يا عصفورة بِلُون الهَم كان مَطلِي قوام يا عصفورة بِلُون الهَم كان مَطلِي قوام ريشِك .. جنود الصَّمت والرَّهبة جنود الصَّمت والرَّهبة بنوا جيشك .. بنوا جيشك .. يا مَصر يا ضِحكي ودمُوعِي يا مَصر يا ضِحكي ودمُوعِي في قلبي البِكرُ .. يا ترتيلة في قلبي البِكرُ .. يا ترتيلة

يا ترتيلة وآية في صَمتِي وسكوتِي فسي وَقت الذِكرْ يا أمنية يا أمنيَّة ما بيني وبينهَا مِليون شَطُّ هَفُك الخط من أحُجار رشيدٌ حتى جنوب سِينا ولو غايبة فِـــي يُوم عنِّي راح استناكي ع المينا وهتمنَّسى رجوعِك ليا انا ومُش غرقانة في الَيَّه ولحظة شوقي أنا ليكي راح اسمَع إسمِك الحلاب فسى ألحَان .. الفواعليَّة ولو مرة تنادي عليا ماقدَرْشِي أقولَك : " لا " " لا " دا حُبك فيا كان برواز ومتعلق دا حُبك فيا كان برواز ومتعلق على مُسمار في قلبي " إندق " وإنت دُنيتي وديني وإنت وشايفك لسًا قُدامِي حَبيبتي مَهْما زاد وراسمك جُوه أحلامي عَروسة وراسمك جُوه أحلامي عَروسة مَهْما طال ..

ناديني بُسُــرعة انَّا اجيلكُ

وأقدِّملك بدمِّي ..

المَهرُ



يَاللِّي نَسَهَاركُ صَبَح وَالْهُم زَادُ وَتَقْيَلُ وَالْيَاسُ مِسْتَعَمَّركُ وَاحْدَكُ صَبِّي وَخَلِيلٌ رَكَعَت جُيُوشَ قَوِّتَكُ وَالصَّبَرُ خَرَّ قَتِيلٌ أَسَرُوا جَمَالَ بَسَمِتكُ وَالضَّعْفَ زَادٌ تَنكيلُ

ياللي نسَهارك فات دُوَّر عَليه تِلاقية نَدَّمَك دا لو يغلبك ــ فَتَح عِنيه ــ إغْمِية والدَّمع لو هايفيض جُوه في عِنيك خَبِّية إرسِم بلونْ ضِحكتك لِسًّا طريقنا طَويلْ

یاللی نسبهارك دېسسیل زهره و کان مَلفوف اشواك کتیر تحصنه هَجره مِثات والُوف عصفور وطیر وفَرَاش مع اِنه کان مَلهُوف ییقی نزیل جنستك علی کُل وردَه یمیل

ياللي نسهارك قتل الحِلمُ ذَا جُواكُ فَضًا بَكَارة الأَمَل وجنينُه فيه لسَّاكُ الحُوفُ ذَا صَارِ يَمْلُكُكُ وبنفسُه يتحَدَّاكُ وانت رضيتُ بالفشلُ وف لَحْظه صرت ذليلُ ا

ياللي نـــَهاركُ هَجر يُومَكُ وَفَاتُه وَحيدٌ والضَّعف صَـــار غِنوتك وفـــ دُنيتكُ أناشِيدٌ دَمَّر خُطوط رَسْمِتكَ بنيرانه إللي تزيدٌ تاكُل حَشايا الجَسد منها خبيث وجميلُ

یاللی نــهارك عَزْف واللَّحنْ مُر حَزینْ أُوتارُه مِتقطَّعه صُوته حَبیس وسَجینْ شَوَّه دَلال غِنوتك بورَاثه وبتهْجینْ بین الجینات كُلهَا صَار البُكا تَمْثیلْ

### طب إزاي ابايع ؟!

تزوق كلامك هاتعلى بمقامك ويُعبد نظامك ويُعبد نظامك شيسوخ السكلام .. السكلام .. السكلام .. السكلام السقف وأبيع لك السقف قسوام .. المقت المولك والستنى صولك فساطة وصولك فساؤاي ابايغ طب إزاي ابايغ وإنت اللي بسايغ

ف حقى اللي ضايع بنبية كلام .. ف حزبك تغني ويسكو بدمي تغني تزود لي همي وتزرع آلام .. تدوس ع الغلابة وترعى الديسابة وتقلبها غابة شعارها السلام .. طب إزاي اسالم وقلبي اللي عالم يان إنت ظالم ما قالك حرام ..

#### ضريبة الصمت!!

ضريبة الصّمت بَدفعها أنا دِلوقتِ زَرعها فيّا أجدادِي حَاولت ازرْعها فو ولادِي في ما قدرِيشْ .. في ما قدرِيشْ .. فالله قدلت امّا هاتكلّم هاغير مِن طَريق حِلمِي هاشيل هممّك مَع هممّي هاشيل هممّك مَع هممّي حاربت كتير من الفريق علمي ماسلّميشْ .. ماسلّميشْ .. معالِم حسقنا شاخة معالِم حسقنا شاخة معالِم حسقنا شاخة وميّة نيلي أنا مساخة وميّة نيلي أنا مساخة

فَ مِدَ إِيدِيهُ مَا سَلَّمَتِشْ .. لإن الْخُ وف نَضج فَ يَّا ومَ زَع كُل أُمنيَّةُ وكتف كُل أُعنيَّةُ عَن التَّغييرْ فَ مَا نطقتِشْ ...

# الحُزن أبوي وأمي

يا دُمعه ما تسيلي وتزوِّدي هَمي ما تقُولي يا عُيويي الحُون أبُوي وأهِّي عَرُوقة الحَونة عَرُوقة حَمَدُفُونة عَرُوقة حَمَدُفُونة المَّاتِي بِهِ مَكْسُورة ما هَمسحُه بكُمي ما هَمسحُه بكُمي ما تقولي مال حَالي ما تقولي مال حَالي أحسَن ما تتغمِّي الدُنيا ... ما بتدُوم الدُنيا ... ما بتدُوم الدُنيا ... طِير مَسمُوم الدُنيا ... طِير مَسمُوم يا وردة مَحفُورة

جُوابا وبقلبي البَدرُ الحُب تستمي البَدرُ الحُب تستمي دلوقتي ليه صري مليانه صبر ومُر دلوقتي ليه صري يا فُلة العاشقين مصبوغه لون دمّي يا وُهرة الأحبَابُ ما عُديّ تنشمّي يا ضحكة مَرسُومة يا فرحة مَكتُوبة يا فرحة مَكتُوبة ما تقبلي فَمّي دلوقتي ليه صري يا فرحة مَكتُوبة ما تقبلي فَمّي

#### وتر مشدود!

أفكسار بتلعب ع العصب غنوة خلوا عصب مُخك وتر مشدود يعزف غنساوي بكلمتك وبفكرتك ع العود القلب مسرح والبطولة لكلمتك وكرات دماك الحمسرا دي الجمهور والبيضا هي المعجبات واقفين ف ألف طابور يعزف غنساوي للحياة يمنها الأمل مسولود وإعزف ف لحظة امًا مات حِلْم الصبي

.

## آخر قصيدة وجع !!

آخِر قصيدة وَجع بكتبها بإيديًا يا موَشوِشين الوَدَعْ إحكولي إيه بيًّا صلُّوا صَلاة المُوتُ على قلبي وعَليًّا وما تسمعوش الصيوت اللي إتخَنق فيـــــّا آخو قصيدة وجَع بكتبها بدمُسوعي يا مقتلين الأمَلُ فيسأ وفي ضلُوعي زفوا لي قلبي في كَفنْ والشُّعـــر في ركـــوعي خلُّوه يمُوت يتدفن فسي حكاية منسيّة آخر قصِيدة وجَع بكتبها مِن جَرحِي یا مضیّعین الهَوی

دابحين طيسور فرحي فسى جنة الأشعَار بانین لمین صَرحِي وأنا جنتي في النسَّار میِّت بدُون دیِّـــة آخر قصيدة وجَع بكتبها مِن غمّي يا موزَّعين الأَلَمْ ومزودين هسمي بالجرح اللي صحى مُعجون مُع دمِّي ما بين جناب الرُّحسا على لَحَن أُغنيَّة آخر قصيدة وجَع ودي آخر الأشقار يا مرّقصين البّجَع فوق دَمعتي والنَّسارُ يا معتّمين فرحسِتي جوَّه حُدود الدَّارْ يا ملونين دَمعـــتِي بالحُزن فــ عنيًا

## رُباعيات



> الظُلم مُمكن يبقى قاضي ف محكمة في السجن تلقى اللي إتظلم وحده إترمى وأنا ليه أبين شكوتي للناس ما فيه عدل اشتكيله همي فوق رب السما

عیش الحیاة واقفل بیبان الحُزن والماضي ایاك تعوم یوم عكس موج حتى ولو هادي وانسى فسي همك اوعى ترضى فسـ لحظة بیه لو ترضى بالهم فسي یوم ما یبقى بیك راضى یا هلتری مُمکن یکون الحُزن مُش عادة ولا عیویی بالدموع هتضل ولادة دا الدُنیا دی زی ما تشرب مسرة قهوة أیام بتبقی مسکرة وایام تکون سادة

واحد بيسألني دا فين ألقى الدفا الحُب لسَّسه في دُنيتي ولاَّ أختفى قُلت أسأله يا هل ترى ولعت شمعة وفــ تاين يوم ما صادفت نورها اللي إنطفى

مهزوم يا قلبي ف الغوام ياما اتصدمت وف دُنيتي ياما انكسرت أنا وانظلمت بانده يا قلبي إنت عايش ولا مسيت مالقتش رد خلص السؤال بدقيقة صمت احترت ف الناس اللي يسوم تقبل تبات ظالمة واحترت م اللي بيتسجن بس عشان كسلمة جرب ف مرة تعمي عينك ع الحقيقة وهييجسي يوم من وحدتك تلعن أبو السضلمة

مزع قناعك يا زمن وارحل بقى قلبي ما داق منك ف يوم غير الشقا من إمتى قادر يا زمن تجمع قلوب وإنت مفرق بين قلوب ساعة اللّقا

> رفة عملة حزني وفرحي نزلت فجأة بصورة جرحي وسط كتاب العمر لقتني جايز جمعي وجايز طرحي

مات الحيا فيسنا إندفن والاحترام فوق الكفن أخلاقنا كسات ثمرة جميلة دلوقتي ليه صابسها العفن

الصبر صبابر والسجزع صبار شوكه بينُغز جِنتك ليلاً نسهار وأنا بسألك إمتى الأمل راح يُسكنك أو تُسكنه ويكسون لجلمسك دار

نزل المطر يغسل ذنوب أهل البشر قولنا السما باكية يا قُدس ضُمي حِلمنا مُش زي أنطاكية قلبي الحجر قام فتتُه حبة مطر وقلوب كتيرة إتحجرت بالدمع مُش شاكية

مُمكن يكون الحلم ميت وإنـــــدبح مُمكن يكون القلب خزيـــان وإنجرح حاول وماتينـــش يأســك للحيــاة مُمكن يعشش جوه منك للأمل ألفين شبح

الحلم مُمكن ترسمه فـــ حـبة ورق والأمل مُمكن يكون ع الحد تُقطة من العرق كُل اللي تقدر تعمله يـــالا أعمله ماشوفتا حلم بالعمل مرة إتشـــنق

افتح قسلوب العساشقين تلقاني أنا فيسسهم كاتب ف أبيات الغرام بعسزف أغانيهم لسو مرة بتغيب شمسي أنا يسوم عنسسهم تلقانسي وقت الليل قسمر نسسور خسطاويهم

لو كنت ف الدُنيادي مش قادر تعيش لو كنت مش عارف وردك كان مافيش دوَّر ف نفسك ع الطريق الصح وإمشي وإفتح لقلبك ع الحياة مية ألف شيش

الدمعة ثمكن تتولد جوه العيسون والضحكة أول خطوة في دروب الجنسون ودا مش مهم إن كنت ح اضحك ولا ح ابكي بس المهم أنا ليه هنا ولفين هاكسون

الليل في جوف الشمس بيّت وإتعصر صبح الصباح والديك بيدَّن وإنحصر موج الظلام على شط يومي اللي إنتهى مد الفرح على جزر أحزاني إنتصر الدُنيا مش تعويدة مكتوبة في كتاب ولا هي فاتحه ع الخلود كام ألف باب الدُنيا فانية زي ما انت يا صاحبي فايي هاتموت وبرضو هاتندفن تحت التُراب

حُزني وحُزنك جوه عين الكون دمسوع فرحي وفرحك فسي القلوب بيسد جوع واليأس سكة طويلة بتموِّت أمسل والجرح رحلة من الألم مافسيهساش رجسوع

ارمي تُكالك ع الكريم هو اللي بيك عـــالم وإروي مشاعرك بالإيمان تلقى الطريق سالم واطرُد شيطان الياس دا من جنتك عُمرك فــ يوم شوفت الرحيم ظالم ؟! الكون دا م الأول أساسه من الفسضا والحسلم مُمكن يبقى مليان بالصدا لكن إيمسانك أقوى من كُل الظروف زوِّد إيمسمانك تلقى أحلامك قضا

تقطة كبيرة ف أخر السطر كلمة ف جُملة بتسحب قطر قطر مشاعر قولت أنا شاعر مات الشعر ف أول شطر

في العشق قلي دا إغتوى ومقالشي لأ من سحرها قلبي إنكوى كان عنده حق لا في يوم بيقدر ينكر إنه حسبتها مصر إسمها قُلت أنطقه فلقيتُه دق هزي لي جزع النخل وإستني يوم الطرح من إمتى عاش الوجع من غير ما يترك جرح وأنا ليه تكون بذرتي جرح وألم وعذاب أرويها من دمعتي واستني تطرح فرح

ارسم ملامح ضحكتك جوه الوشوش تلج الهموم خليه يدوب جواك يبوش خلي الأمل هو الطريق اللي إبتدا واليأس لو ندهك ف يوم ما تبصلوش

اسمع كلام الحق دايما واكتبه حارب شيطان النفس حاول تغلبه صدق إيمانك بالقدر وبقسمتك إياك ف يوم تنسى الإيمان وتكدّبسُــه

غرقان ف بحر الهوى مُش لاقي قشاية لا عومت يوم في الهنا ولا فرحي مرسايا أنا قلبي ضايع هنا من كترة الأشواق مُش لاقي بر الأمل دِلوني يا صبايا

قلبي الورق قطعته بين إيدك والذنب إنه بيعشقك دايماً وبيريدك لو كُنت قادر تجرحه يالا إجرحه لا الجرح فيسًا بيوجعك حتى ولا يفيدك

یا واقف لحلمك ف ألفین طابور بلاش یبقی یأسك إشارة مسرور عافر وحاول هاتقدر بنفسسك تحقق ف حلمك ولو بینكو سور ما يحسش بالوجع إلا اللي بيعيشه والفرح لو عصـفور ما تنتفوش ريشه دا العُمر بيعدي وكُلنا هانموت فما تِقتلوش حِلمي وتعزوا دراويشه

عديت على بيوت الصحاب تايه على صوتك يسا فايته قلبي في وحدته لكن ما هايفوتك دورت في شريط ذكريات قلبي مع قلبك فسلقيت مشاعري بتنتفض تعلن نبأ موتك

الدمعة البايرة الحسايرة النازلة بحُرقة على الخسدين بتقول للفرحة الطسايرة وسسايرة بعيدة عن العساشقين هي الاحلام الفاجرة الهاجرة وطسنها فس نن العسين مُمكن ترجع دي النوبة تقول بقى توبة ليسوم الدين

باكتب حرف وكلمة وبيت بزرع بذرة ف قلب الغيط باروي الأفكار من إحساسي تطرح شعر كلامه بسيط

### الفهــــرس

٥	إهداء
٧	مفتح
٩	بنات أفكاري !!
11	الكتابة شيء جميل !!
١٣	تُوهة خُروف
10	شجرة عُمري !!
۱۷	أنا دُنيتك !!
*1	ياما نفسي !!
44	صياد قلوب
40	فسي مجكمة العِشق
**	ميلاد حُبنا !!
44	عيبي الوحسيد!!
41	ما كتبشي الشعر أنا ليه !!
٣٣	قبلة عُمري !!
٣٧	أنا إنسان !!

٤١	إنت فينك يا ضميري ؟!
٤٣	قصاقیص ورق !!
٤٥	لوحة معبد الأحزان
٤٩	لما بتهرب من أحزانك !!
٥٣	سبحة فرحتي
٥٥	في مرايقي !!
٥٩	مُش فاهم !!
٦١	ميزان !!
٦٣	دمي ا <del>ل</del> ــهر !!
٦٧	يا للي نمارك !!
79	طب إزاي ابايع ؟!
٧١	ضريبة الصمت !!
٧٣	الحؤزن أبوي وأمي
٧o	وتر مشدود!
<b>YY</b>	آخر قصيدة وجع !!
٧4	رُباعيات



: